

ხელშეკრულება სახელმწიფო შესყიდვის შესახებ №82

ქ. თბილისი

18 დეკემბერი 2019 წელი

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ - (შემდგომ „შემსყიდველი“) ორგანიზაციას (დაწესებულებას), რომელიც ახორციელებს შესყიდვას.
- 1.3. „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.
- 1.4. „ხელშეკრულების ღირებულება“ - საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1. ერთის მხრივ, აფხაზეთის ავტონომიური რესპუბლიკის აფხაზეთის ავტონომიური რესპუბლიკიდან იძულებით გადაადგილებულ პირთა-დევნილთა სამინისტრო (შემდგომში შემსყიდველი), წარმოდგენილი მისი თავმჯდომარის მოადგილის გიორგი ბულისკერიას სახით და მეორეს მხრივ, შპს „ორგსერვისი“ (შემდგომში მიმწოდებელი), წარმოდგენილი მისი დირექტორის ხვიჩა ნემსაძის სახით, გამარტივებული შესყიდვის საშუალებით (კანონის მე-3 მუხლის, პირველი პუნქტის, „ს1“ ქვეპუნქტი) დებენ წინამდებარე ხელშეკრულებას შემდეგზე:

3. ხელშეკრულების საგანი

3.1. ხელშეკრულების საგანს წარმოადგენს საკანცელარიო საქონელი - საქაღალდეების შექმნა (CPV კოდი: 22800000, 30100000, 20300000) ხელშეკრულების პირობების შესაბამისად.

CPV 2280000 -192.50 ლარი, CPV – 30100000 – 220 ლარი, CPV- 22300000- 75 ლარი.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს 487.50 (ოთხას ოთხმოცდაშვიდი ლარი და 50 თეთრი) ლარს საქართველოს კანონმდებლობით დადგენილი გადასახადების გათვალისწინებით.

20 ცალი საქაღალდე -ერთეულის ფასი-3.80 ლარი - სულ -76 ლარი

30 ცალი მისალოცი ბარათი --ერთეულის ფასი-20,5 ლარი - სულ 75 ლარი

40 ცალი კალენდარი -ერთეულის ფასი-3,50 ლარი -სულ -140 ლარი

3 ცალი ბლოკნოტი --ერთეულის ფასი-7,50 ლარი -სულ 22,50 ლარი

16 ცალი კალენდარი --ერთეულის ფასი-5 ლარი -სულ 80 ლარი

10 ცალი ფაილი --ერთეულის ფასი-5 ლარი- სულ 50 ლარი

4 ცალი საქაღალდე --ერთეულის ფასი-11 ლარი -სულ 44 ლარი

5. ანგარიშსწორების ფორმა და ვადები

- 5.1. მიმწოდებელთან ანგარიშსწორება განხორციელდება უნაღლო ანგარიშსწორების ფორმით ეროვნულ ვალუტაში.
- 5.2. მიმწოდებელთან ანგარიშსწორება იწარმოებს მიწოდებული/გაწეული მომსახურების მიღება-ჩაბარების აქტის საფუძველზე.
- 5.3. მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 (ათი) კალენდარული დღის განმავლობაში.

6. მიღება-ჩაბარების წესი

- 6.1. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს აფხაზეთის ავტონომიური რესპუბლიკის დევნილთა საქმეების დეპარტამენტის შესაბამისი უფლებამოსილი პირი.
- 6.2. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

7. მომსახურების მიწოდების ადგილი და ვადა

- 7.1. მომსახურების მიწოდების/გაწევის ადგილია: ქ. თბილისი, რობაქიძის №7.
- 7.2. მომსახურების მიწოდება/გაწევა განხორციელდება 2019 წლის 31 დეკემბრის ჩათვლით.

8. მხარეთა უფლება-მოვალეობანი

- 8.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 8.2. შემსყიდველი ვალდებულია უზრუნველყოს მიწოდებული საქონლის/მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.3. მიმწოდებელი უფლებამოსილია მოსთხოვოს შემსყიდველს საქონლის/მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.4. მიმწოდებელი ვალდებულია მიაწოდოს/გაუწიოს საქონლის/მომსახურება იმ ვადაში, რომელიც მითითებულია ხელშეკრულების 7.2 პუნქტში.

9. ხელშეკრულების შესრულების კონტროლი

- 9.1. შემსყიდველი უფლებამოსილია ჩაატაროს ხელშეკრულების პირობების შესრულების კონტროლი. მიმწოდებელი ხელშეკრულების პირობების შესრულების კონტროლის განხორციელებისას ვალდებულია ხელი შეუწყოს შემსყიდველს.

9.2. შემსყიდველის მიერ ხელშეკრულების პირობების შესრულების კონტროლი განხორციელდება ხელშეკრულების შესრულების ნებისმიერ ეტაპზე. კონტროლს განხორციელებს დეპარტამენტის უფლებამოსილი პირი/პირები.

10. ხარისხი

10.1. მიწოდებული/გაწეული საქონლის/მომსახურების ხარისხი უნდა იყოს მაღალი ხარისხის.

11. პირგასამტეხლო ხელშეკრულების პირობების შეუსრულებლობისათვის

11.1 ხელშეკრულებით ნაკისრი ვალდებულების შესრულების ვადის დარღვევის შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5 %-ის ოდენობით.

11.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12. ხელშეკრულებაში ცვლილების შეტანა და ხელშეკრულების შეწყვეტა

12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.4. ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.5. მხარე ვალდებულია 12.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

12.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. ასეთის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. სხვა პირობები

15.1. ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე, აქედან ერთი ეგზემპლარი გადაეცემა „მიმწოდებელს“, ხოლო მეორე „შემსყიდველს“.

16. ხელშეკრულების მოქმედების ვადა

16.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2019 წლის 31 დეკემბრის ჩათვლით.

17. მხარეთა რეკვიზიტები:

შემსყიდველ:

აფხაზეთის ა/რ აფხაზეთის ავტონომიური
რესპუბლიკიდან იძულებით გადაადგილებულ
პირთა -დევენოლთა სამინისტრო

ქ.თბილისი, ვაჟა ფშაველას 16

ს/კ: 249259582 ტელ: 599855311
სახელმწიფო ხაზინა
ერთიანი ანგარიში

მინისტრის მოადგილე
გიორგი ბულისკერია

მიმწოდებელ:

შპს „ორგსერვისი“
ქ. თბილისი, ყაზბეგის გამზირი 28

ს/კ 212693851,

ს.ს „პროკრედიტ ბანკი“
ბ/კ MIBGGE22
GE28PC0133600100067722

დირექტორი
ხვიჩა ნემსაძე